



MEMORIA XUSTIFICATIVA E ECONÓMICA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A FUNDACIÓN DOS FERROCARRÍS DE GALICIA PARA GARANTIR O FUNCIONAMENTO DO MUSEO GALEGO DO FERROCARRIL E O DESENVOLVEMENTO DE ACTIVIDADES DE EXHIBICIÓN DOS FONDOS MATERIAIS PROPIEDAD DESTES, A DIVULGACIÓN DESTES ENTRE A SOCIEDADE E O FOMENTO DO TRANSPORTE FERROVIARIO

ANTECEDENTES

A Comunidade Autónoma de Galicia é competente en materia de vías férreas non incorporadas á rede do Estado, con itinerarios que se desenvolvan integramente no territorio da Comunidade Autónoma, e, nos mesmos termos, nos transportes efectuados por estes medios, consonte aos artigos 148.1.5º da Constitución Española e 27.8 do Estatuto de Autonomía.

As referidas competencias son exercidas pola Consellería de Presidencia, Xustiza e Deportes, a través da Dirección Xeral de Mobilidade, centro directivo ao que, consonte ao Decreto 136/2024, de 20 de maio, polo que se establece a estrutura orgánica da Consellería de Presidencia, Xustiza e Deportes, correspóndelle, entre outras funcións, *“a promoción da investigación sobre transporte, loxística e mobilidade, e o asesoramento ao departamento nestas materias”* así como *“a programación de investimentos, obras e instalacións de transportes por estrada, ferrocarril, aéreo e por cable e o réxime administrativo, dirección, inspección e control delas no ámbito das competencias da Comunidade Autónoma de Galicia”*.

XUSTIFICACIÓN DO CONVENIO

Sen prexuízo do esforzo que nos últimos anos esta administración está a levar a cabo en materia de planificación e execución da oferta intermodal de transporte na Comunidade Autónoma e das infraestruturas do transporte de viaxeiros/as en colaboración coas restantes Administracións públicas e institucións interesadas, tamén é consciente da importancia de conservar e preservar elementos tradicionais representativos dos diferentes modos de transporte, e, máis concretamente, do transporte ferroviario, de xeito tal que se garanta o mantemento deste patrimonio cara o futuro, e se permita o seu





emprego como medio de fomento e divulgación desta modalidade de transporte.

A Fundación dos Ferrocarrís de Galicia, constituída como fundación de interese xeral galego e sen ánimo de lucro, ten personalidade xurídica propia e plena capacidade de obrar, consonte a Lei 12/2006, de 1 de decembro, de fundacións de interese galego.

Entre os seus fins, constan nos seus Estatutos a xestión, dirección, mantemento, conservación e promoción do Museo Galego do Ferrocarril. Asemade, tamén se prevé nos seus estatutos como obxectivos velar pola conservación, catalogación, restauración e exhibición ordenada dos seus fondos materiais e documentais de valor histórico ou artístico que garden relación co ferrocarril; a difusión dos aspectos culturais relacionados co ferrocarril e darlle coherencia á política cultural dos ferrocarrís de Galicia; difundir os beneficios socioeconómicos e medioambientais deste medio de transporte; fomentar a investigación sobre o transporte e os seus modos; fomentar o coñecemento e a utilización pola sociedade do transporte por ferrocarril; fomentar o emprego no sector ferroviario e demais sectores indirectamente relacionados con este.

Para o cumprimento destes fins, a Fundación, entre outras actuacións, desenvolve actividades dirixidas a manter e incrementar os fondos do Museo Galego do Ferrocarril así como a promover a súa difusión entre a cidadanía galega.

A Consellería de Presidencia, Xustiza e Deportes considera de interese xeral o mantemento e conservación de material histórico do ferrocarril para a súa exposición e difusión a través do Museo Galego do Ferrocarril así como a súa utilización nas actividades desenvolvidas por este museo.

Asemade, a difusión deste patrimonio entre a cidadanía leva á consellería a considerar de especial interese a colaboración coa Fundación dos Ferrocarrís de Galicia co fin de promover actividades relacionadas cos fondos do museo que permitan, por un lado, a súa divulgación entre a sociedade, en aras a atinxir un maior coñecemento deste medio de transporte, e doutro, o fomento do ferrocarril como modo de transporte sostible, para o cal resulta preciso colaborar coa citada Fundación .

OBXECTO E FINS

O obxecto do presente convenio é establecer as bases da colaboración entre a Consellería de Presidencia, Xustiza e Deportes e a Fundación dos Ferrocarrís de Galicia para garantir o funcionamento do Museo Galego do Ferrocarril e o desenvolvemento das actividades de exhibición dos fondos materiais propiedade deste e divulgación destes entre a sociedade





e fomento do transporte ferroviario.

Para a consecución destes obxectivos o Museo Galego do Ferrocarril, exhibirá os fondos materiais da súa propiedade mediante a súa apertura ao público en xeral e facilitará a organización por parte da Consellería de Presidencia, Xustiza e Deportes no Museo Galego do Ferrocarril de todo tipo de actividades que teñan por obxecto a exhibición dos fondos materiais propiedade deste, a divulgación destes entre a sociedade así como o fomento do transporte ferroviario.

Así mesmo, pretendese que a Fundación dos Ferrocarrís de Galicia participe no desenvolvemento de actividades que teñan por obxecto a divulgación dos fondos materiais do Museo Galego do Ferrocarril entre a sociedade ou o fomento do transporte ferroviario, organizados pola Consellería de Infraestruturas e Mobilidade.

ORZAMENTO

Para o desenvolvemento destas actuacións, a Consellería de Presidencia, Xustiza e Deportes, a través da Dirección xeral de Mobilidade, asume o compromiso de financiar con cargo aos orzamentos xerais da Xunta de Galicia do ano 2025, aplicación orzamentaria 05.08.512A.481.2, código de proxecto 2018 00008, a cantidade máxima de trinta mil euros (30.000 €), prevista como subvención nominativa nos orzamentos xerais da Comunidade Autónoma, o que xustifica a aplicación do procedemento de concesión directa de axudas, segundo o disposto nos artigos 19.4 a) e 26 da Lei 9/2007, do 13 de xuño, de subvencións de Galicia.

XUSTIFICACIÓN E PAGAMENTO

Documentación a presentar pola Fundación Museo Galego do Ferrocarril

A xustificación dos gastos e o seu pagamento realizarase nos termos establecidos na lei 9/2007 do 13 de xuño de subvencións de Galicia e no Decreto 11/2009 do 8 de xaneiro polo que se aproba o Regulamento da citada Lei.

A fundación dos ferrocarrís de Galicia xustificará a subvención mediante a presentación da **conta xustificativa** que conterá a seguinte documentación:

1º Memoria xustificativa das actuacións do ano 2025 obxecto do convenio e dos resultados acadados, con indicación do horario de apertura do Museo Galego do Ferrocarril e





xustificación da publicidade do carácter público da participación da Consellería de Presidencia, Xustiza e Deportes

2º Memoria económica xustificativa do custo das actividades realizadas que conterà:

a) Unha relación desagregada dos gastos de actividade, con identificación do provedor, do número de factura, da data de emisión e no su caso, da data de pago.

b) Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado e anterior e da documentación acreditativa do pago.

As facturas deberán cumprir os requisitos establecidos no Real Decreto 1619/2012 do 30 de novembro polo que se aproba o Regulamento das obrigacións de facturación.

c) A entidade beneficiaria deberá solicitar como mínimo tres orzamentos de diferentes provedores con carácter previo á contratación do compromiso de obra, prestación de servizo ou entrega de bens de acordo co artigo 29,3 da Lei 9/2007.

d) Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009 do 8 de xaneiro polo que se aproba o Regulamento da Lei 9/2007.

3º Declaración responsable de obtención doutras subvencións, axudas , ingresos ou recursos.

Esta axuda é compatible coa obtención doutras subvencións, axudas, ingresos ou recursos. No caso de que as actividades fosen financiadas, ademais de coa subvención, con outros fondos, deberá acreditarse na xustificación o importe, a procedencia e a aplicación de tales fondos ás actividades subvencionadas, incluíndo.

a) A/s resolución/s das concesión/s.

b) A relación dos gastos subvencionados, con identificador do provedor , do número de factura, da data de emisión e no seu caso, da data de pago.

O período de realización dos gastos será dende o 1 de xaneiro de 2025 ata a data límite de xustificación.





Prazo

A documentación debe presentarse antes do 20 de novembro de 2025.

Pagamento

Realizarase unha vez que a Consellería de Presidencia, Xustiza e Deportes verifique que a xustificación e as facturas son correctas.

CADRO ORZAMENTARIO DESAGREGADO POR TIPOLOXÍA DE GASTO

Tipoloxía do gasto	Importe
Gastos de explotación	30.000,00
Total	30.000,00

O gasto mantense estable con respecto aos exercicios anteriores.

FITOS E OBXECTIVOS

Plan Estratégico	Planificador de fondos europeos	Eixe	Actividade	Indicador	Fito 2025
Plan Estratégico de Galicia	Non procede	E2. Galicia verde e sostible	PA02. Garantir unha mobilidade sustentable	DOC001. Número de empresas que reciben axudas	1

TERRITORIALIZACIÓN DO GASTO

Lugar onde se desenvolverá a actuación: Monforte de Lemos

Santiago de Compostela, na data da sinatura dixital

A directora xeral de Mobilidade

Judit Fontenla Baró

